

## **Tsepelelo e kgolo ya go sepetša ponagatšo ya motšhelo le tšhentšhano ya tshedimošo go maemo ao a latelago**

**Tshwane, 18 Nofemere 2022** - Mo bekeng ya go feta re hlatsetše lefase la motšhelo leo le bego le tsepeletše go ponagatšo ya motšhelo le tšhentšhano ya tshedimošo go maemo ao a latelago ka nako ya kopano ya lesomehlano (15) ya Boitokišetšo ya ngwaga ka ngwaga ya *OECD Global Forum on Tax Transparency and Exchange of Information for Tax Purposes (Global Forum)* yeo e bego e swerwe ka Seville, Spain go tloga ka la 9 -11 Nofemere 2022.

Bjale ka ge mmotlolo wa kgwebo o fetogela kudu go ditšithale, mellwane yeo e sego ya selegae gape e sego ya ponagalo, mellwane gannyane ga e sa nepile ka tšweletšo le tshepetšo ya dithoto le ditirelo. Ka baka leo, metheo ya motšhelo wa bosetšhaba e ka fase ga matšhošetši le kgobogo. Ka go realo, go tloga go le bohlokwa go šoma le gape ka baswarakabelo go kaonafatša mokgwatšhomo wa motšhelo go tšweletša tirišanommogo e kgolo le kamano. Go lekanyetša dikholego tša ponagatšo ya motšhelo le tšhentšhano ya tshedimošo go thekga tatelelo ya tšwešopele ya mokgwatšhomo wa Motšhelo le Khasetomo tšeo di theilwego go obamelo ya boithaopo.

Global Forum gabjale e ikgantšha ka maloko a 165 a tokelo ya boahlodi le kopano ya yona ya Peakanyo, kopano ya mathomo ya go kopana le batho ge e sale go thoma leuba la COVID-1, go boalandše bakgathatema ba go feta 400 bao ba emetšego maloko a boahlodi le ditheo tša ditšhabatšhaba. Baromiwa go kopano ya Boitokišetšo ba gatelletše bohlokwa bja ponagatšo ya motšhelo le Tšhentšhano ya Tshedimošo (EOI) ka go šomana le efogo ya motšhelo le go thuša mebuišo lefaseng go sepetša ditlabela tša mo gae, kudu ka ge lefase le etšwa go leuba la lefase le maemo a gabjale a tšhaparego ya ekonomi.

Global Forum le ditheo tša yona tša thušano ke diforamo tša leano ka Afrika Borwa, gomme di thušitše kudu go tloša seširo sa sephiri sa motšhelo ka go latediša maemo a ditšhabatšhaba a Tšhentšhano ya Tshedimošo ka Kgopelo (EOIR) le Tšhentšhano ya Tshedimošo ya Othomethiki (AEOI), gammogo le tebanyo ya yona ya bokgoni bja go aga ditlomo, tšeo di akaretšago thušo ya tsenelano ya mellwane ya utullo ya motšhelo.

Global Forum Plenary e etelletšwe pele ke kopano ya Africa Initiative yeo e rerišanego ledinaga tša kontinente go dira temošo ya bohlokwa bja EOI gomme e fane ka tebanyo ya thekgo ya kago ya bokgoni go thuša maloko a bolaodi bja ka Afrika go aka phethagaloya di Uniti tša EOI. Ka 2022, baofisiri ba go feta 2000 go tšwa ka khontinenteng ba hlegile go tšwa go ditlhahlo tšeo di kgethegilego tša EOI. Kopano ya AI e ile ya amogela tšwetšopele ya sedirišwa sa thušo ya mellwane ta tsenelano go utulla dikleimi tša motšhelo.

Khomišinare Edward Kieswetter o emetše Afrika Borwa bjale ka hlogo ya SARS, gape bjale ka maemo a gagwe a Motlatša Modulasetulo wa Sehlopha sa Botsamaiši sa Global Forum le Motlatša Modulasetulo wa Afrika Initiative.

Šedi ya kopano ya Boitokišetšo e akareditše tirišo ya pegu ya 2022 ya *South Africa's 2022 Exchange of Information on Request Second Round Phase 2 Peer Review*, gammogo le Khomišinare Kieswetter ka go saena *Multilateral Competent Authority Agreement ya Automatic Exchange regarding CRS Avoidance Arrangements and Opaque Offshore Structures (MDR MCAA)* gammogo go tloga go balaodi ba molao ba 14, mola balaodi ba 22 ba saenne *MCAA on Automatic Exchange of Information on Income Derived through Digital Platforms (DPI MCAA)*.

Ka go ditšhentšhano tša yona tša moragorago tša AEOI, Afrika Borwa e abelane tshedimošo ka go itiriša ka mokgwa wa othometiki le badirišani ba 78 gomme SARS e tšwelapele go dira ditsela tša go diriša data ya AEOI yeo e amogetšwego go kgesa kgonagalo ya maphekgo go ditekolo tša balefela motšhelo. Pegu ya Global Forum ya 2021, e begile tshedimošo ya go feta 111 million ya diakhaonte tša ditšhelete lefaseng ka bophara, ya akaretša palomoka ya dithoto tša go batamela EUR 11 trillion, yeo e tšhentšhanwego ka othomethiki”.

“Re gatelapele ka leeto la rena la go ga SARS ya sebjalebjae ya phethagalo, yeo e Botegilego gape e Rategago. Ntlhagolo ya go tiišetša bokgoni bja rena bjale ka batho ka go lekanyetša kgontšhagalo ya ditheknolotši le data ka bohlale bja ekišo ka tirišo ya metšhene ya go ithuta gabonolo ya dipalopalo.

Bjale ka ge re gola gape le katološa tirišo ya data go ya ka Leano la Tebo ya rena la 5, EOI le AEOI di dira mothopo wa data ya boleng yeo e tlaleletšago bobolokelo bja data ya leloko la borato ya go kgontšha kgeso ya balefela motšhelo le bagwebi bao ba sa obamelego. Go se obamele go thatafalešwa le go lefišwa ditefišo tša godimo, ka fao ke kgopela gore balefela motšhelo le bagwebi ba dire seo e lego maleba gomme ba obamele ka go ithaopa,” gwa realo Khomišinare Kieswetter.

Go hwetša tshedimošo enngwe ka ga merero ya pepeneneng ya motšhelo le tšhentšhano ya tshedimošo, ka kgopelo šupetša go tše di latelago:

- [Statement of outcomes of the 15th OECD Global Forum Plenary](#)